

SARS e šomana le dikhamphani tša di-PPE tša go se obamele

Tshwane, 8 Oktobore 2021 – Ditirelo tša Motšhelo tša Afrika Borwa (SARS) malobanyana di lebišitše šedi go dikhamphani tše 52 tša go se obamele tšeo di amogetšego dikontraka tša R1-billion bakeng sa phepo ya didirišwa tša tšhireletšo ya mong (PPE) le ditirelo tše dingwe tša go nyalelana le Covid-19.

Go fihlela gabjale, dikhamphani tše 11 di latofaditšwe, dikgetsi tše 7 gabjale di palong ya kgorotsheko, dikgetsi tše 29 di swerwe ka Taolelo ya Tsheko ya Bosetšhaba (NPA) bakeng sa sengwalwa kakanywa sa letlatlakala la tatofatšo le/goba tagafala ya ditshwaro, mola ditokhete tša dikgetsi tše 5 di le gare di tšweletšwa ke ba Hawks.

SARS e utullotše R170-million ya metšhelo ya go se lefelwe ya go nyalelana le dikontraka tša di-PPE le dithoto tša R500-million (go akaretšwa kheše) tšeo di lego ka fase ga taolelo ya poloko. SARS gape e nyakišiša ditheo tše 33 tšeo di nyalelanago le batho bao ba amanago le tša dipolotiki. Go tlalelatša se, dikhamphani tše mmalwa tšeo di amogetšego dithentara tša palo ya R50-million bakeng sa ditirelo tša go nyalelana le Covid-19 malobanyana mo di ile tša golegwa ka lebaka la go se ngwadiše bakeng sa Motšhelowa Boleng bja Tlaleletšo (VAT).

Dikhamphani di be di abetšwe dithentara tša go sanethaesa le go hlwekiša ka go bolaya twatši ka dikolong ke ba Kgoro ya Thuto ya ka Gauteng. Khamphani engwe e be e abetšwe thentara ke Kgoro ya Tšwetšopele ya Selegae ya ka KwaZulu-Natal bakeng sa go fana ka tirelo ya didirišwa tša paballommele le didirišwa lewa.

Dikhamphani tše di latofaditšwe le go golegwa ka Kgorotsheko ya Selete sa ka Durban bekeng ya go feta. Dikgolego di fapana ka dikgwedi tše tlhano go ya go tše lesome tša kgolego (ka boikgethelo bja tefišo). Dikgetsi di latela dikgolego tša go swana ka ka Gauteng le Free State.

Fusion Centre, yeo e tlhomilwego ke mmušo, e bile le maikarabelo a go sepediša tiišetšo ya molao go šomana le ditafofatšo tša bosenyi, goba ditiragalo tša go nyalelana, go akaretša taolompe ya matlotlo a mabapi le kimollo le dikamano. Tirišano magareng ga SARS le di

etšensi e phethagetše ka tshwaro ya dithoto tša a R41-million le kheše ya go tswalanywa le ditheo tšeo di hlalositšwego ka godimo.

Khomišinare wa SARS Edward Kieswetter o rile SARS e ikemišeditše go šomišana le dietšensi tša tiišetšo ya molao go kgonthiša obamelo ya koketšego ya motšhelo le khasetomo.

“Setheo se ka se lape go latediša bao ba tlogelago go obamela boitlamo bja bona bja semolao ka go se ngwadiše bakeng sa Motšhelo wa Boleng bja go Tlaleletšwa, bjo bo lego bohlokwa go dikhamphani tšeo di khwalifayago tšeo di sepetšago kgwebo bobedi ka go disektara tša praebete le tša setšhaba. “Go tloga go bonagala gore go pepeneng gore dikhamphani tše dingwe di šoma ka ntle le go latela molao, gomme di nyaka go holega ka go hwetša moputso ka leuba leo le amago bophelo bja batho le maphelo a dimilione tša MaAfrika Borwa, kudu bahloki le bao ba šaparegilego. Ka maswabi, matlotlo a mantši ao a utswitšwego a dirišitšwe go fepa maphelo a maemo a godimo,” o boletše bjalo.

SARS e na le thakgaselo e kgolo go letseno la go se tswalane le ditshenyagelo le kelelo ya tšhelete ya go se lekane. Barekiši ba swanetše go tiišetša gore merero ya bona ya VAT e eme gabotse – e sego fela ge dipušetšo tša motšhelo di šaletše morago, eupša gore letseno le lengwe leo le tsenago, kudu ditefelo tša dikontraka di tswalane le le VAT yeo e lebanego gape yeo e swanetšego go lefelwa.

“SARS e tla tšwela pele go nyakišiša le go lefiša bao ba amanago le go se obamele. Mmušo o holofetše go SARS go koleka metšhelo gore o kgone go fana ka ditirelo tše bjale ka kimollo ya selegae go batšofe, bahloki le malapa. Bosenyi bja motšhelo bjo bo diragalago ka nnete bo radia bahloki le bao ba šaparegilego,” Mr Kieswetter o boletše bjalo.

Go hwetša tshedimošo enngwe ikgokaganye le SarsMedia@sars.gov.za